

alla schu ruha, noch immer net in Schuß¹⁹⁾ legu. Se hoot noch foot mit dr vrmoledeitu²⁰⁾ Nocherei ze thu; denn heit, ihr Leit, heit is doch dr heilige Ohnd, do gibts aa Neinrlaa²¹⁾, wie vir gewöhnlich dr Arzgebirger jingt:

„Mr hoom aa Neinrlaa gefocht!
Aa Worscht mit Saurkraut,
Mei Muttr hoot siech ogeploogt,
Die alta gute Haut!

S is Ohnd! — — Allis is agebrannt, un dr virgerichta Lachte mit dan schin Lampla²²⁾ guckt heit mit gar grußn Marga runnr ofn Tiesch ze dan vielen Schüsseln un Tallern! Waß dr Herr, s ganza Bierbraat²³⁾ is sei ogeleert! De Kripp brennt lichteluh, dr Baam daar gelenzrt²⁴⁾ goldig schie, dr Engl un dr Bargma sei aa agezindt, un s Bermettl²⁵⁾ hoot heit ju gelampera²⁶⁾ Baa, doß mr sei Grad dra hom muß. Hom se alla gebat't, giechts Aff'n lus. O Sackrmant! Heit is unnr Muttr obr freigaabisch, un dos net vir Schpaß — alla Lackrefzigkaatu²⁷⁾ hot sa ofn Tiesch gebracht: Brotwurscht und Saurkraut, Lins'n un Topplies, net ze klaa, aa net ze wing, Sammelmilch un geraacherts Flaasch, Schwarzbeer, wuhl aa Preißl'beer gibts do ze schnabelieren, un — r fennt mrsch sei gelaam odr net — aa dr Schwammetup aus dr Hell hintu derf net fahln un werd virgehult. Wult mr e ju aff'n vun alln, iech dächt, s wür' wuhl biesja Foling²⁸⁾ brenga. Loschaa²⁹⁾ — aa's Viech werd net vrgass'n un kriegt vun Batr in tüchting Salzfez³⁰⁾ naus, noch dan 's schu lang gelapprt³¹⁾ hoot. Un will dr aana odr dr annera sen Dechsl odr Kihla³²⁾ gar e Git' thu, gibt dr na wuhl aa e gruße Bemm mit Nußkarnla drauf gestrat. Kurzim kaans, naa kaans soll an heiling Ohnd leer ausgieh. Is Aff'n vrbei, werd gebat't un dr Tiesch ogereimt. Mans obr werd drauf schtieh geloss'n un net waggenumma, dos is s lieba Brot mitn Salzür³³⁾. Allis beds wicklt mr ins Tieschtuch ei un ble't bisn Christtog frieh liegn, doß gu³⁴⁾ net dr Segn vun unnern liebn Hargott aus'n Haus zieht. Dr Batr richt siech in de Kanepeseeck un raacht sei Pfeisl, de Muttr mitn Maadna wäscht auf, un de Gunga beguckn siech ihr schiena Kripp, richtu dos Hirtl un ge Schaasl noch e bisl zeracht, zindn a 's Flimmerla³⁵⁾ vun frischu wiedr a, wenns gu ausgelescht is.

„Zind' aa e Wehrichkarzl³⁶⁾ a,
Doß 's nooch Weihnachtu riecht.
Un shtells mer of dos Scherbl hie,
Dos unnern Ufen liegt!“

Se dischgeriern³⁷⁾ nu vun dan un vun gen, an mestn obr, r fennt mrsch sei gelaam, laweriern³⁸⁾ sa vun murging Christtog frieh — do giechts doch bal

¹⁹⁾ Schoß. ²⁰⁾ verwünschten. ²¹⁾ neunerlei. Im Obererzgebirge herrscht die Sitte, daß am heiligen Abend neun verschiedene Speisen einfacher Art auf den Tisch gebracht werden. ²²⁾ Lämpchen. ²³⁾ eine Art Geschirrschrank ohne Thüren ²⁴⁾ glänzt. ²⁵⁾ Pyramide, ein mechanisches Gehwerk. ²⁶⁾ schnelle. ²⁷⁾ alle guten Bissen. ²⁸⁾ Folgen. ²⁹⁾ gebt acht, schauet. ³⁰⁾ Bemme. ³¹⁾ sich gesehnt. ³²⁾ Kühchen, kleine Kuh u. s. w. ³³⁾ Salzgefäßen. ³⁴⁾ ja nicht. ³⁵⁾ eine Art Nachtlichte. ³⁶⁾ Kerzchen. ³⁷⁾ sprechen. ³⁸⁾ reden.